



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina I. Desumpta ex cap. 6. Prophetæ Isaiæ, in quo describitur:
quomodo ille in Prophetam assumptus, & ad exæcandum Populum missus,
suam contestetur ineptiam.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

FASCICULUS LXII.

Doctrinarum Moralem & Asceticarum.

Doctrina I.

Desumpta ex cap. 6. Prophetæ Isaiae, in quo describitur: quomodo ille in Prophetam assumptus, & ad excœandum Populum missus, suam contesteretur ineptiam.

N.396. Considera: **I**SAIAM MAXIMÆ SANCTITATIS VIRUM, à tot divinis revelationibus celeberrimum testari de se v. s. citati cap. **I** quia vir pollutus labiis ego sum. Quæso: quid tam eximiâ Sanctitate prædicti hominis labia poterat facere polluta? nunquid ullum verbum, carnis Spurcitas & Venerem redodolens, unquam legityr protulisse? nunquid alienam famam aliquando denigrasse, aut in blasphemias erupisse auditus est? quæstioni dubiæ occurrens Procopius, eam subtili responsô solvit, asserens: fortasse verò & humane nature morbum constetur, quem David insinuat, cùm ait: ego dixi in excessu meo omnis homo mendax: est enim mendacium in hominibus naturalis quidam morbus, quantumvis sit à nonnullis evitatus. Christiane Lector, si mendacium radicale tantum & nondum actuale (ut sic loquar) os & linguam viri etiam sanctissimi ita commaculasse visum; quantâ fœditate & maculis te afficiet mendacium actuale, tam sàpè à te repetitum? quomodo indignum te reddet divinô alloquiō? sunt hærcle mendaces illi homines, de quibus asserit Joannes Apocal. 21. v. ult. non intrabit in illam (puta cœlestem Jerosolymam) aliquid coquinatum, abominationem faciens &c. S. Chrisost. mendaces leprosis assimilat, quos Deus ab ingressu & accessu Templi præscripsit: ut enim lepra carnem exterius putridam, interius verò sanam turpissime variat, ita mendaces in verbis externis suam deferunt malitiam, dum interius pulchram Veritatem in mente fovent. Nec etiam in epte dicuntur similes hominibus, monetam adulterantibus, quos constat, Deo & mundo esse exosos. Opprobrium nequam in homine mendacium. ait Eccles. 20, cap. Nec mirum: quia regius vates os mendaciis assuetum vocat sepulchrum patens Psal. 130. Hujus loci pessimum fœto-

fætorem Trajanus adeò habuit exosum, ut teste Pædagogo Christi.
 p. i. c. 5. §. 7. homines de mendacio convictos in navem sine velo
 & remis detrudi altoque mari committi jusserit. Artaxerxes tantâ
 nauseâ mendacium audiit, ut mili t illud loquenti linguam extraxe-
 rit, tribus clavis postea transfixam. Franci & Suevi teste Fabro mendaci-
 ii tam jurati existere hostes, ut subditis suis vitio illi assuetis ca-
 nem imposuerint impudentiae symbolum, quem in summum sui pro-
 brum circumferre cogebantur. Taceo poenas illas, quibus prima
 Veritas Deus execrandum mendacii vitium impetiit. Quem enim
 latet: Ananiam & Saphiram ob mendacium leve & nemini pernitio-
 sum repentinâ morte punitos? quis ignorat: Dæmonem sub serpen-
 tis specie protoparentibus nostris mentitum, maledictionem divinam,
 his verbis expressam: *super peccatum tuum gradieris*, in caput suum provo-
 cassé? Christus Dominus licet omnis generis peccatores legatur ad
 frugem reduxisse, nullum tamen ex mendacibus hâc gratiâ dignum
 duxit. Quid plura? nihil Deo, nihil homini adeò abominabile,
 quam audire mendacia? econtra nil gratius, nil acceptius veritate,
 quæ ad S. Bernardo bonum lilyum, candore conspicuum, odore præcipuum vo-
 catur. S. Joannes Apocal. 14. testatur: objectam sibi esse magnam co-
 hortem, quæ agnum secuta videbatur cæteros omnes præire Sanctos,
 utpote Christo Domino proximè conjuncta. Sed dicito divine Præ-
 co: fuit nè cohors ista constans ex gloriois Martyribus, qui Victo-
 riosò certamine triumpharunt de Tyrannis? aut fuere tales, qui longâ
 inediâ, cilicis & flagellis in corpora sua savientes, Cœlum pro-
 meruere? reponit Joannes, tales existisse, in quorum ore non est inven-
 tum mendacium &c. Christus, qui est veritas & via, ut monstraret viam
 brevioriem, ad cœleste Palatium hominem ducturam, ait: si vñ ad
 vitam ingredi serva mandata. Verum quæret non nemo, in quo funden-
 tur hæc ipsa mandata & lex divina, homini observanda, volenti vi-
 tam securò pede ingredi? reponet vates regius Psal. 118. & lex tua
 veritas. Quæ verba expendens S. Ambros. dicit: apud eum Veritas lex
 est, fallacia prævaricatio. Igitur Christiane Lector, æternam Veritatem
 facie ad faciem aliquando visurus, Veritati ante omnia stude. Et li-
 cet à depravata natura inditum tibi sit mendacii vitium, serio ta-
 men illud vitare volenti, aderit cœlestis Seraphin, qui calculò igni-
 tò os tuum tanget, & auferetur iniquitas, & peccatum tuum mundabitur.
 v. 8. capit is cit.

Uuu 3

Doctri-